

- svrha: troškovi certifikata/troškovi obuke (fizička, tehnička ili obuka za odgovorno lice)/troškovi ispita,
- vrsta prihoda: 722621,
- općina: 077,
- budžetska organizacija: 1401001.

III

Troškovi izdavanja certifikata za obavljanje poslova zaštite ljudi i imovine i obavljanje poslova odgovornog lica, odnose se na troškove stručne, administrativne i tehničke izrade certifikata.

Troškovi obuke za obavljanje poslova fizičke i tehničke zaštite i obuke za obavljanje poslova odgovornog lica, odnose se na troškove planiranja izvođenja nastave, troškove unapređenja metoda i sredstava obuke za obavljanje poslova fizičke i tehničke zaštite i obuke za obavljanje poslova odgovornog lica.

Troškovi polaganja ispita za obavljanje poslova fizičke ili tehničke zaštite i obavljanje poslova odgovornog lica, odnose se na naknadu ispitne komisije.

IV

Danom stupanja na snagu ovog Rješenja prestaje da važi Rješenje o utvrđivanju visine troškova izdavanja certifikata za obavljanje poslova zaštite ljudi i imovine, obuke za obavljanje poslova fizičke i tehničke zaštite i polaganja ispita, broj: 01-07-07/2-14-1-3174 od 19.12.2011. godine i broj: 01-07-07/2-14-1-3174/11 od 14.02.2013. godine.

V

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-07-07/2-14-1-1524
22. jula/srpnja 2015. godine

Ministar
Aljoša Čampara, s. r.

(SI-673/15-F)

FEDERALNO MINISTARSTVO PRAVDE

1101

Na osnovu člana 268. stav 1. Zakona o nasljeđivanju u Federaciji Bosne i Hercegovine ("Službene novine Federacije BiH", broj 80/14), federalni ministar pravde, na prijedlog Notarske komore Federacije Bosne i Hercegovine, donosi

PRAVILNIK

O IZMJENAMA I DOPUNAMA PRAVILNIKA O VISINI NAGRADE I NAKNADE TROŠKOVA NOTARA KAO POVJERENIKA SUDA U OSTAVINSKOM POSTUPKU

Član 1.

U Pravilniku o visini nagrade i naknade troškova notara kao povjerenika suda u ostavinskom postupku ("Službene novine Federacije BiH", broj 23/15), član 7. mijenja se i glasi:

"(1) Za radnje notara oko pozivanja nasljednika na ročište za raspravu, za provođenje ostavinske rasprave, te donošenje i otpremanje rješenja o nasljeđivanju, kao i za druge radnje za koje ovim Pravilnikom nije određena posebna nagrada, notar je dužan obračunati nagradu u neto iznosu prema vrijednosti ostavine i to:

Vrijednost predmeta ostavine		Nagrada u KM
Iznad KM	do KM	
0.	5.000	50,00 KM
5.000	20.000	100,00 KM
20.000	50.000	145,00 KM
50.000	100.000	180,00 KM
100.000	200.000	260,00 KM
200.000	500.000	400,00 KM

(2) Ako vrijednost ostavine prelazi iznos od 500.000,00 KM pored iznosa nagrade od 400,00 KM plaća se 0,5% na razliku preko 500.000,00 KM, ali ne više od iznosa maksimalne nagrade propisane Tarifom.

(3) Ako nastupe uslovi za prekid postupka, za do tada obavljene notarske radnje, notar je dužan obračunati nagradu od 50% nagrade iz st. 1. i 2. ovog člana i naknadu svih do tada nastalih troškova postupka.

(4) Ako se po okončanju prekida ostavinskog postupka ponovno povjeri notaru dovršenje ostavinskog postupka, notar je dužan obračunati nagradu i nastale troškove do punog iznosa nagrade po st. 1. i 2. ovog člana.

(5) Za donošenje dopunskog rješenja o nasljeđivanju, nagrada se određuje prema vrijednosti imovine, koja je predmet tog dopunskog rješenja.

(6) Za donošenje djelimičnog rješenja o nasljeđivanju, notar je dužan, prema vrijednosti nespornog dijela ostavine, koji je predmet djelimičnog rješenja o nasljeđivanju obračunati nagradu iz st. 1. i 2. ovog člana.

(7) U slučaju donošenja posebnog rješenja o legatu plaća se nagrada prema vrijednosti legata na način propisan u st. 1. i 2. ovog člana."

Član 2.

U članu 11. iza riječi: "Službenim novinama Federacije BiH", dodaju se riječi: ", a primjenjivat će se od 01.08.2015. godine do 01.08.2016. godine".

Broj 01-02-2-1547-4/15
29. jula/srpnja 2015. godine
Sarajevo

Ministar
Mato Jozić, s. r.